

○諭軍機大臣等。本日據裕泰等馳奏收復崇陽縣城。生擒首要各犯一摺。覽奏欣慰之至。已有旨賞給裕泰太子太保銜。並與劉允孝一併賞換雙眼花翎矣。所有現獲之首要各犯鍾人杰等。著遼派委員押解來京。其逆犯家屬及在逃各要犯。務當設法擒捕。毋令一名漏網。致留餘孽。再前奏詭稱術能封槍之僧人。現在曾否拏獲。如已伏誅。該逆僧是何名姓。憑何確據。著該督確切查明。如尚漏網。仍當生擒解京。以免煽惑。至此次該逆匪等以公磨小醜。膽敢戕官據城。其起釁根由。是否該地方官辦理不善。以致激變。抑係該匪等蓄謀已久。有心肆逆。亦著詳細確查。據實具奏。該縣師長治業。經被害其家屬自盡。及典史王光宇。果否自縊。俱著與陣亡官弁兵勇。一併詳查具奏。至外委鄧永煊。知縣李壘等。逃出各情。著仍遵前旨查明分別究辦。崇陽現已攻克。通城賊匪無多。勦辦更易得手。著裕泰。劉允孝督率官弁兵勇。一

鼓作氣乘勝收復並移會鄰封一體堵禦毋
令他竄至被脅良民前有旨妥為分別安撫
現在焚香跪道以迓大兵著嚴飭文武員弁
加意撫卹毋妄株連是為至要所奏未到官
兵飛速截回現在官兵分別撤回及善後各
事宜著照議妥辦將此由六百里諭令知之